

V. (14.) Bartska wosada.

Do Bartskeje wosady słuša 6 wsow: 1) Bart (Baruth), 2) Bukojna (Buchwalde), 3) Dubrawka (Dubrauke), 4) Zubernička (Kl.-Saubernitz), 5) Nowa Wjeska (Neudörfel), 6) Stróža (Wartha). — Hač do l. 1815 běchu hišće zafarowane wsy Wukrančicy, Lipinki a Hornja a Delnja Wólšina. Po džělenju Sakskeje w l. 1815 pak buchu Wukrančicy do Radšowa a Wólšina z Lipinkami do Boršće zafarowane.

Cyrkej: Hižo w spočatku 19. lětstotka bě kóždy njedzělu a kóždy swjaty dzeń serbski a němski kemš. Němska spowědž je 9 króc za lěto (kóždy 6. njedzělu) na postajenych dnjach, kaž 1. njedz. po 3 kralach, Reminiscere, Čichi pjatk atd.; hewak je kóždy njedzělu serbska spowědž, tola nic na swjatych dnjach róčnych časow. — Serbske kemšenje je stajnje a přeco prjedy němskeho; jenož hdyž je němska spowědž, je tež němske kemšenje prjedy serbskeho. — Pačeńske džěći — serbske a němske hromadze — rozwučeju so we woběmaj rěčomaj. — Nimo toho ma farar hišće za lěto 16 němskich předowanjow w kapale na knježim dworje dzeržeć.

Fararjo: 13) Bohukwal Hempel z Rakec 1739—1779; 14) Jan Křesćan Abram Krygař 1780—1788, hl. pod. Klukš.; 15) M. Jan Wencel, * 1737 w Džěžnikcach, najprjedy substitutus, potom wot 1770—88 farar we Wehrsdorfu, skónčnje 1788 farar w Barće, † 1801; 16) Bjedr. Nathanael Klin 1802—22, hl. p. diakon.; 17) 1822—1833 farske město njewobsadźene a wot diakona zastarane; 18) Adolf Moric Thieme, * 1805 w Hornim Ottendorfu, wot 1832—1833 kaplan w Njeswačidle, farar tu wot 1833—1863 (†); 19) Karl Herman Robert Reda (Räde), * 1816 w Smilnej, syn fararja, 1843—63 farar w Hućinje, wot 1863 farar tu.

Diakonowje: 1) Jan Matij Sommer, * 1737 w Budyšinje, syn Njeswačidlskeho wučerja, 1780—82, farar w Boršći 1782—1809 (†); 2) Bjedr. Nathanael Klin, * 1757 w Lejnom (Geierswalde), 1786—1802, farar tu, † 1822; 3) Křesćan Bjedrich Kokoška (Junghänel), * 1761 tu, 1797 rektor we Wósporku, 1803—22 kaplan, 1822—33 z dobom farski zastupnik w Barće, 1833 emeritowany, potom bu diakonatstwo zběhnjene.

Šula: Wosada ma 2 šuli: a) w Barće za wsy: 1, 2, 4, 5; šulsk. džěći 230, b) w Stróži⁶⁴⁾ za: 4, 6; šul. džěći 93. —

⁶⁴⁾ Tu w šulskej jstwě wudžěla so, dokelž je Stróža 1½ hodž. wot Barta zdalena, wob lěto trójcy serbska spowědž, a wučer ma přislušnosć, za mėsac raz njedzělu popođnju 2 hodž. serbske předowanje čitać a do njeho a po nim kěrluš wuspěwać.